

Urkunde 1231

Gründungsbeleg der Stadt Asfeld

aus: C. W. Ledderhose, Kleine Schriften, 3. Band,
Marburg, 1789, S. 194-196.

VII.

Das Kloster Spieskappel ertauscht vom
Kloster Immichenhain das praedium Hunigerothe
(Hüncherode), erkaufte auch andere Güther
dasselbst. 1231.

(Vom Original.)

In nomine sancte et individue Trinitatis: *Godefridus et Bertoldus* comites dicti de Cyngenhagen cunctis christi fidelibus in perpetuum. Ne tollat factum prescriptio longa dierum, Scripta fidem firmant, commendat pagina verum. Hinc est, quod tam presentibus quam posteris universis notum facimus, quod venerabilis in christo dominus *Heinricus capellensis* prepositus omnium suorum, consensu fratrum praedium quoddam *Bibenahe* nomine dimisit ecclesie *Immichenhagen* et fratribus et sororibus ibidem deo famulantibus pari voto consentientibus et aliud praedium *Hunigerothe* nomine in concambium ab illis, quia magis adjacebat, sive accepit ecclesie, quod sic quoque firmatum est, ut quaecumque ecclesia non partibus utrisque consentientibus aut cassare vel mutare voluerit, alteri decem solvat denariorum talenta. Testes hujus concambii sunt *Ortho* prior, *Ludolfus* supprior. *Olricus* custos, canonici cappellani. *Hermannus de Rumeroth*, *Hertheinus de Aldenburch*. *Ekehardus de Celle*. *Baldemarus villicus de Adelsveld*, milites. *Frethericus Conradus* Kastelan, burgenses in Adelsveld. *Gyso. Conradus. Rothegeus Osse. Hartradus de Milenhusen*, de Cyngenhagen milites. *Heinricus Wilde. Rodegerus Cintgravius de Schrekesbach et Gozmarus* miles. Insuper H. prepositus prefatus et conventus, ecclesie cappellensis a domino *Rudolfo de Frethingeroth* et uxore ejus *Cunegunde* et eorum liberis

emerunt bona qve habuerunt in Hunigerothe perpetuo possidenda. Testes aderant *Berwicus* viceplebanus in Oula. *Bruno de Aldentorph. Gerlacus Westerscele. Harmannus* advocatus. *Widikindus de Salmans. Ludewic Westerkele. Ernestus de Millebach. Warmundus*, milites. *Heinricus de Husen. Heinricus de Meingozeshusen*, advocati. *Heinricus Munt. Ludewicus filius Taymari* et alii qvampures. Preterea bona qve domina. *Cunegundis de Screkesbach* habuit Hunigeroth ab ipsa et pueris ejus possidenda perpetuo compararunt. Testes *Gyso Pain. Bruno*, milites de Screkesbach. *Rothegerus Cintgravius. Heinricus Snichel. Heinricus* servus prepositi. *Richqvinus* et alii. Preter hec predium qvod *Heinricus Munt* a domino *Theodorico de Mazem* ratione hominii tenebat in Hunigeroth ab ipso H. et uxore et pueris ejus compararunt perpetuo possidendum. In hujus autem predii restaurum idem H. Munt domino T. de Mazem alia qvedam bona resignavit et eidem loco et vice jam dicti predii a manu domini T. in feodo accepit possidenda. Testes *Albertus de Werneswith. Volchardus. Hartmannus de Hoenberch. Wernherus de Bruningeshusen. Henricus de Westheim*, milites. *Warmundus juvenis de Werneswich. Everhardus* villicus de Hoinberch et fratres sui *Ekkehardus et Conradus*. *Heinricus de Gervishagen* et filius suus *Gerhardus. Ludolfus de Malzveld. Godescalcus de Gensingen. Theodericus Faber* in Hoenberch burgenses. Sed et bona qve habuit dominus *Hermannus Copo* in sepe dicta villa Hunigeroth ab ipso et suis coheredibus sibi compararunt perpetuo possidenda. Testes *Ortwinus de Heene. Bruno* plebanus de Aldentorph. *Bruno* dapifer et duo filii ejus *Conradus et Gerlachus. Heinricus de Octereshusen. Gyso. Ekkehardus Koppelin. Ekkehardus de Rolekerken. Frethericus et Conradus de Adelsveld* et alii. Igitur qvod legitime factum esse cognoscimus presenti notula cum sigilli nostri testimonio roboramus. Acta anno verbi incarnati M.CC.XXXI. Indictione III. domino Heinrico preposito sue prelature primum annum agente.

(Sigillum Godefridi ovale in qvo Capra sine stella delineata est. Sigil. Bertoldi exhibent Anal. Hass. Coll. XII.)